



Broj: 03-04-28372/23
Sarajevo, 15.06.2023. godine

SKUPŠTINA KANTONA SARAJEVO

gosp. Elvedin Okerić, predsjedavajući Skupštine Kantona Sarajevo

PREDMET: Izjašnjenje na zastupničku inicijativu zastupnice Marijele Hašimbegović, dostavlja se –

VEZA: Vaš akt, broj: 01-04-24618/23 od 30.05.2023. godine

Na Osmoj Radnoj sjednici Skupštine Kantona Sarajevo, održanoj 30.05.2023. godine, u okviru tačke Dnevnog reda "Poslanička/zastupnička pitanja, inicijative i odgovori, zastupnica Marijela Hašimbegović uputila je zastupničku inicijativu, kako slijedi:

"Upućujem inicijativu radi utvrđivanja zakonitosti i usklađenosti član 5. stav (4) Uredbe o postupku prijema u radni odnos u javnom sektoru na teritoriji Kantona Sarajevo sa Zakonom o radu FBiH.

Obrazloženje:

Vlada Kantona Sarajevo je članom 5. stav (4) Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo" broj 19/21 i 10/22 propisala da se može bez provedenog postupka obaveznog javnog oglašavanja zasnovati radni odnos kod drugog poslodavca čiji je osnivač ili suosnivač Kanton Sarajevo ili u kojem Kanton Sarajevo učestvuje sa više od 50 % ukupnog kapitala.

Ovo je u suprotnosti sa članom 20a. st. (2) Zakona o radu Federacije Bosne i Hercegovine ("Sl. Novine FBiH", broj 26/16, 89/18, 23/20, 49/21 i 44/22, što znači da je član 5. Uredbe protivzakonit, a Uredba se primjenjuje od 11.05.2021. godine. Primjer zapošljavanja u Javnom sektoru na osnovu ove Odluke je i Institut za preduniverzitetsko obrazovanje Kantona Sarajevo u kojem je u maju 2022. godine bez javnog oglašavanja zaposleno 20 službenika, kao da se radi o privatnoj firmi, a drugim zaposlenicima u organima Kantona Sarajevo koji također ispunjavaju sve formalne uslove za ova radna mjesta, uopće se nije dala mogućnost konkurisanja za zapošljavanje, niti su bili upoznati da se vrši prijem u Institut."

S tim u vezi, Ministarstvo pravde i uprave Kantona Sarajevo dostavlja sljedeće izjašnjenje:

Nadležnost Ministarstva pravde i uprave Kantona Sarajevo propisana je u članu 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj: 40/22) (u daljem tekstu: Zakon), kako slijedi:



“Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih naredaba, kao i druge upravne poslove koji ne spadaju u djelokrug drugog organa uprave Kantona.”

Shodno citiranoj odredbi i utvrđenim nadležnostima, ovo ministarstvo nije bilo nosilac izrade Uredbe o postupku prijema u radni odnos u javnom sektoru na teritoriji Kantona Sarajevo (“Službene novine Kantona Sarajevo”, br. 19/21 i 10/22) (u daljem tekstu: Uredba). U postupku izrade Uredbe, Ministarstvo pravde i uprave dalo je mišljenje na istu u skladu sa nadležnostima utvrđenim članom 7. Zakona, a u vezi sa članom 4. Uredbe o postupku i načinu pripremanja, izrade i dostavljanja propisa (“Službene novine Kantona Sarajevo”, br. 50/17-Drugi novi prečišćeni tekst, 2/18-Ispravka i 32/22). Nosilac izrade predmetne Uredbe bilo je Ministarstvo za rad, socijalnu politiku, raseljena lica i izbjeglice Kantona Sarajevo shodno nadležnostima utvrđenim u članu 11. Zakona, a mišljenje o usklađenosti propisa sa Ustavom i pravnim sistemom dao je Ured za zakonodavstvo Vlade Kantona Sarajevo u skladu sa članom 4. Uredbe o postupku i načinu pripremanja, izrade i dostavljanja propisa.

Na osnovu prethodno navedenog, ovo ministarstvo će predmetnu inicijativu dostaviti Ministarstvu za rad, socijalnu politiku, raseljena lica i izbjeglice Kantona Sarajevo i Uredu za zakonodavstvo Vlade Kantona Sarajevo, na nadležno postupanje.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo-na znanje,
3. Ministarstvo za rad, socijalnu politiku, raseljena lica i izbjeglice Kantona Sarajevo-na nadležno postupanje,
4. Ured za zakonodavstvo Vlade Kantona Sarajevo-na nadležno postupanje,
5. a/a.

